


鳳岡林先生全集

七十七之八


鳳

太政官文庫		
和	三	一八〇三
書	二	二一〇三
門	六	六
	六	七
	冊	架

内閣文庫		
和	三	一八〇三
書	二	二一〇三
類	六	七
	六	七
	冊	架



内閣文庫	
番號	和 31803
冊數	67 (46)
函號	205 176



第145

鳳岡林先生全集卷之七十七

男 朝散大夫國子祭酒林信充士僖父 輯

歲且類聚五

七言絕句

戊子元旦




聖殿春回庶物元絃歌傳響和禽言杏壇六出五雲

也我國蓬萊移本根 西京雜記曰蓬萊有杏六出雜五色

同日祝 大君

鸞班各祝鶴齡遐四海又安為一家和氣如逢天聖

古春風示瑞太平花 宋仁宗天聖中 劔南獻太平花



和嫡男恂也鷄日詩韻

和愉氣色一家温傳坐壽觴酒滿樽渭水春風千畝
竹分根湘岸祝龍孫

和次男恂也歲初詩韻

暖入學田其上腹一家慶事各相俱同胞同日受恩
佩春筆新描兩鳳圖

和下館城主中大夫丹治直重試毫韻

金城春早淑光同夙夜無忘奉上功新歲猶尋千歲
美祖先傳譽大唐風

君之祖丹墀廣成爲
遣唐大使故云爾

和致仕前羽林源公忠舉戊子歲且試筆韻

身老心閑感主恩一家喜氣酒盈樽深衣獨樂行應
好花竹春風五畝園

和肥後國主羽林源公戊子元旦祝老萱保

上壽之詩韻

慈堂安穩祝千祥雲染班衣交泰陽百歲春風花有
約九旬韶色九霞觴

又和別詩韻祝老齡六十六

閣東春早賦官梅雲佩霞裾香暗來白乙休誇六十
六新年有喜感奇才

和內膳正保田宗卿鷄日試毫韻而祝令嗣

乘龍之喜

春早武江江水濱團團和氣滿腔仁祝期祖竹老猶
健子葉孫枝次第新

姬路城主吏部太卿源君政辰遠寄元旦倭

歌隨例而和其冠字

百花潭水望君居細柳營前結我廬千里相思寄風
信春茶一味試梅諸

已丑元旦

香山和氣喜津津六歲加多過六旬一寸丹心頭已

白春風傳業五朝臣自香山六十六歲喜身存且有
白鬚如雪五朝臣之句故云爾

同日述喜

一家強健祝今朝壽酒獻酬盃底椒羣物昭獲和氣
育臘餘雪與病魔消

歲首奉祝 大君

瑞日和風祝歲華大平有象悉亨嘉春盤先獻蓬萊
藥壽龜千年除百邪

歲初長男士僖有講葩經之作規祝之餘次

其韻

春思無邪情性存勸懲示法聖人論學詩尊向鯉庭
過桃李新陰豈不言

歲初次男士疆有周覽二十一史之作規祝
之餘乃次其韻

歷朝正史讀過周任重猶能知道悠妙在獲麟春狩
筆走童漫掌馬遷牛

依例和奉肥後國主羽林源公歲初詩韻

春酒延齡釀臘梅和風勸醉九霞盃北堂西望瑤池
宴祝得蟠朶結實來

歲初和姬路城主中大夫吏部大卿源政辰

君倭歌末字

庇陰餘榮飽福祿遐壽猶期家兒育滿堂和氣得其

三金華春色入華祝

庚寅元旦

白髮侵霜雙鬢班洪鈞一氣自循環衆人誤比函關
老歲歲春風我獨頑

依例和嫡男士僖鷄日詩韻

儒林累葉祝豪英歲歲迎春書滿籟鳳閣風温浴息
澤經筵相代一家情

借用羣家兄弟相代
爲鳳閣舍人之事

和次男士疆歲初詩韻

一家樂事示君思茶在甌中酒在樽龍豹文才可
分辨春風傳譽入王門

借用王僧虔
戒子之事

和奉肥後羽林元旦試毫詩而祝慈堂九十

餘齡氣宇強健

乾元資始祝初陽孝子門高愛日長青雀春回添壽
龜臺風暖一家祥

和呈肥後世子從四位下拾遺源宣紀君元

且試毫韻

雲暖武陵江水濱韶光淑氣轉清新星躔春早頒堯
曆東作期時南宿鶉

和奉麾下執事豆牧大江直敬君元旦試毫

韻

仁風吹煦易爲春德化廣覃天下民東閣官梅番信
早詩思先屬問芳人

和呈中大夫豐牧丹治君春初試觚詩韻

金殿迎年鐘鼓遲豈忘清宴侍遊嬉社前春早新巢
燕猶問舊樓難得辭

又和同日詣靈廟詩韻

香滿金爐酒滿堂空望靈位暗悲傷落梅長是絕
消息惱殺廣平鉄石腸

辛卯元旦

昌黎齒落杜陵聳和氣扶人不解蒙雲滌朱衣花笑

我蟠蟠六十八衰翁

陸放翁詩已興工部耳聾嘆細和文公齒落詩南齊書日祭酒

用朱服自何胤始白居易詩六十八衰翁七十行欠二

同日詣先大君靈廟見昔年所愛老梅著

花有感而作

人去年來暗斷魂自嗟白髮老身存靈梅香遠絕消息領取春風不肯言

任例次嫡男士僖鷄日試觚詩韻

萬軸牙籤滿架新學源流遠欲尋真祝期世掌絲綸美我亦前朝侍讀臣

隨例和次男士疆肇歲試毫詩韻

陽律吹回萬里聲風雲投筆望詞城春心如玉水壺底清白長存世世誠

肥後國主羽林源君示辛卯歲初詩隨例奉

和原韻

冠佩風溫拱北辰城門初日拂紅塵武林身老壯心健無限忠誠春又春

桑名城主中大夫拾遺源君去歲屢逢鸚薦

飽荷鴻恩今歲元朔示佳什以述歡情

祝之賀之奉和芳韻

世世聲譽勳業高和風報喜入新毫瑞雲補出春衣

闕裁作一家金字袍

和奉下館城主丹治君試毫韻

半窓梅柳半窓筠禽語交聲先報春韶色動人無限
意思衣雖舊命維新

又和東叡山 靈廟韻

巍然新廟彩門開花柳何心春又來盤上蓬萊空認
跡仙遊不返白雲堆

壬辰元旦

日照城門淑景移百官垂佩步遲遲東京春早海雲
外藩國獻琛修聘儀

東京賦藩國獻琛云云舊冬韓使來聘故借用之

和男士僖元旦韻

園林枝葉子生孫陽化無私庶物元新歲新知傳舊
業詩書分講細評論

和次男士疆元旦韻

翰苑文華逐歲新弟兄和樂一家春雙飛靈鵲傳嘉
兆逢著海棠花下人

和奉肥後國主羽林源君元旦韻

武陵迎歲水雲隈壽酒酌霞椒栢盃老驥猶凌千里
氣壯心不已覺春來

和岩付城主江伯修君元旦韻

和氣仁恩洪庇蔭武林行見淑光濃德香擘擘新芽
茁家世吹傳蘭谷風

壬辰元旦中大夫丹治直重君詣東叡山

靈廟見梅花感懷述志余亦不堪其情因
賡清韻

和氣滿林人已空暗香薰徹廟庭中梅花不管世糝
改歲歲春回番信風

彥岑老衲者方外累世交友也密義之法傳
受有由然沉淪不得志而閑居於難波大
聖寺是以契濶年久不堪相思頃間寄示

歲初之詩乃次其韻以代話禰

歲歲祈靈太乙壇難波深處老心安南山草木雖依
舊雲鎖東風不得觀

次密宗代兆韻 并序

密宗代兆者彥岑徒弟也示歲旦之詩請
和以有舊緣強起老懶卒同原韻而塞其
需云

身世悠悠忘臘班幽棲遮隔利名關林間白雪風吹
斷海李無心春色閑

癸巳元旦

午橋卜地草堂幽四葉儒臣七十叟白首青春吾已

老一林花竹亦菟裘

叟叶平聲菟免都反劉琨詩惟彼太公望昔在渭濱叟張齊賢

字師亮致仕有詩日午橋今得晉公廬水竹烟花興有餘師亮白頭心已定四登五府九尚書左傳隱公十一年使營菟裘吾將老焉東坡詩一林瘦竹吾菟裘

元日退 公之後拜 東照官有感而作

百有餘年開國功世移時替悉為空 靈魂不棄

幼孤主激起威風上下通

同日詣 常憲廟見昔時所種梅樹有感而

作

梅有清姿帶淚看春來人去恨千般那知昔日殿中

物獨閉空山冰雪寒

和男士僖元旦詩韻

藏書萬卷帙囊新笑向東風當笏紳雲鳳石麟祥夢
覺徐家春祝我家春

和次男士疆元旦詩韻

期祝譽聲興我門學窓莫忘祖先恩德香入夢蘭芽
茁豫向春風培本根

姬路城主拾遺有癸巳元旦倭詠依例叨和

其末字以為起句韻

窓曙海東初日閑太平餘化武林間霞箋烟幅春風

手一筆先題書寫山

播州有書寫山

奉和下館城主中大夫丹治直重君歲初詩

韻

春入家書萬卷堆北堂壽酒獻椒盃暗香靜色動詩興官閣先吟一樹梅

甲午元旦

才氣襄殘送七旬豈知書劍又逢春花時安足辭卮

酒耆會同盟王拱辰

元豐耆英會王拱辰七十一歲有卮酒約花之語故云爾

和男士僖元旦韻

緇帷雲靄擁林深東魯分陰窺聖心知有漁郎問津

去杏花壇上聽挈音

和次男士疆元旦韻

翰苑韶光入鳳池霞箋煙幅逐風披祝期世掌絲綸

美和答陽春刷羽儀

和呈姬路城主拾遺源君甲午元旦倭歌首

字

壯齡迎春心不惑武林韶色布陽德雲霞爲君待榮

旋錦衣綴出針間國

針間播磨倭訓同

和呈中大夫丹治君甲午元旦詩韻

曉漏追趨城闕東官衣垂佩帶和風春來勿謂知音

少琴鶴生涯樂在中

奉和致仕前橋羽林源公元且佳什韻

不愛繁花愛綠筠韶光淑氣一時新
草廬眠覺樂耕隱三顧無人空送春

奉和桑名城王羽林源君元旦詩韻

椒酒知君卯飲卮瓊章寄我不停枝
桑名人涉唯印否何日春遊補逸詩

乙未元旦

仕隱先知禮數寬和風吹面鬢霜寒
香山身老未歸去春入龍門八節灘

同日退 公思待娘悲淚難抑追慕不已因

賦一絕

屠蘓去歲彼先嘗今日無人空斷腸
一樹庭梅爲誰發休言花有返魂香

猪日和長男士僖元旦詩韻

春筵資始講賓初小雅清風入翠裾
齊魯韓毛鄭箋外三經三緯考朱書

猪日和次男士疆元旦詩韻

草木文章和氣氲玉堂曙色帶風雲
一家春酒介眉壽我亦嘉辰呼印君

謹和從四位下下館城主丹治君乙未元旦
詩韻

夙興劔佩賀元辰浩蕩官恩德潤身琴鶴生涯燕居
樂春詞吟罷彩毫新

丙申元旦

鳳曆春回天地紀璣衡幹轉相終始老齡數往又知
來四百四十五甲子余今年七十三故云爾左傳襄
公三十年四百有四十五甲子
云云七十
三年矣

同日思亡妻

椒觴曾祝引齡長靈座寂寥今則亡此去神遊何處

去欲言欲問不離傍

依例次嫡男士僖元旦韻

文學曾期清選才公門日暖出芸臺經筵進講欲重
坐前度戴憑今又來

依例和次男士疆元旦韻

手中彤管硯吹塵和氣融融曙色新何問龍門三級
浪春風別有鈞鰲人

丁酉元旦

正朔紀元累世功百昌和育及微躬春風問着青雲
路白首傳經表赤忠

同日追懷亡妻

昔年齷齪一時空
父子恩榮退自公
心事有餘誰共語
無情花鳥恨春風

次嫡男士僖元日韻

學海冰融窺硯池
管門日暖見官儀
風雲千里男兒志
祝得洞龍飛躍時

次次男士疆元日韻

鳳翼龍鱗漢室風
侍臣鵠立仰南宮
我家新景添佳色
渭北花雲江水東

奉和姬路城主吏部大卿元日倭歌末字

武林年來年又去
先登大任檀世譽
祖生不待聞雞聲
曉鶯喚起窓全曙

奉和肥後國主元日韻

滿空佳氣覺春回
五色暖雲身裏萊
故園千里傳芳信
臘雪吟殘一樹梅

次丹治直重元日韻

臘雪半消風不寒
硯池春色墨無乾
真人本是尚書號
日暖丹墀豈誤官

唐書以本朝真人爲尚書丹治或作丹墀

戊戌元旦

城頭初日瑞雲和
冠佩隨行鳴玉珂
世世餘謀掌書

命鳳池風暖浴恩波

嗣韻長男信充歲初詩

牙籤萬軸一家謀書室迎春元氣周陽德攸覃齷化
行睢鳩和合在河洲

嗣韻次男信智歲初詩

日照金門雲有輝朝儀宴罷薄言歸春風報喜曲江
院花挿冠簪桺染衣

奉和致仕羽林源君忠舉歲初詩韻

一家系族葛藟長夙起祝期椒栢觴世世先君息
惠渥春心不變覩藁牆

隨例和呈桑名城主羽林源公歲初詩韻

陰去陽來氣屈伸韶光及物悉清新江東暖響松聲
遍風穩桑名城下春

小室城主牧野康重君始賦元旦詩因和清

韻

鳥語花言詩句中韶光處處總相同雲霞不隔陽春
脚江上吹傳小室風

戊戌元旦依例提姬路拾遺倭歌初字

兵衛戈戟武林最新歲歸休解冠帶西海波閑十八
灘風雲傳譽聲色大

依例和呈從四位下丹治直重君戊戌元旦

詩韻

一夜韶光萬物新花言鳥語答詩人辛盤咬得菜根
味諸葛遺風東葛春

巳亥元旦

鶴髮雞皮一老翁鐘鳴漏盡又春風尚書世業忘前

語還似師丹待漢宮

三國志曰魏田豫年過七十居位猶鐘鳴漏盡而夜行不休漢

書曰師丹老人忘其前語治詩領尚書事

同日述喜

長男无妄疾全痊迎歲祝期軀壽堅万物知時悉和

育花言鳥語共歡然

次長男士僖試毫詩韻祝病鬱平復

肌骨壯強歲亦新孝心和樂傍雙親羅浮春酒我家
物胸次無塵口有津

和次男士疆試毫詩

窓曙書林日載陽文章詩律放餘光手栽陶閣風松
好夢覺謝池春艸芳

依例和呈姬路拾遺源政邦試毫倭歌末字

武林譽聲百夫德新歲慶儀樂無極春風吹入蓬萊
盤香菓分根常世國

奉和下館城主豐牧丹君新居迎春詩韻

玉曆頒春瑞靄新滿腔和氣漸清新一窓梅竹全風
操日日工夫苟日新

奉和刑部少輔源經隆君元旦詩

瑞靄分光千里同朝暎杲出海之東營前柳與門前
柳庇蔭風温世世通

奉和前羽林源忠舉君元旦詩韻

昔鳴劍佩樂青春綠野今爲閑散身老去年年無所
預白頭依舊赤心新

庚子元旦二首

玉律春回動歲華城樓瑞氣日相加外邦解辯蹶頭

角千里風雲四海家

丘希範書曰滇池
朝鮮解辯蹶角

老去所須惟枕屏報春鳥語隔簾聽天開壽域七十
七上下同文筭我齡

嫡男士僖今歲四十有元旦詩次其韻祝有

弄璋之慶

書窓全曙曉雲披三八餘齡二八時五丈夫期我家
美和風報喜入春詩

次男士疆有元旦詩乃次其韻寓祝喜之意

百官逐隊賀新正階下風傳佩玉聲尋杜春雲花夾

路遠天尺五向金城

奉和執政岡崎城主水野公元日詩韻

萬物知時造化工揚揚意氣一家豐曙雲西被朔南
暨日出海東風亦東

奉和刑部少卿源君經隆元且詩韻

半夜洪鈞和氣春靜觀萬物悉皆新詞林韶色行應
好語右雲霞筆有神

奉和桑名城主羽林松衡君元且詩韻

紙上分明一筆橫新詩右色有金聲和風吹起陽春
曲桑海通潮入鳳城

奉和中大夫丹治尚書君元會詩韻

書窓漸曙淑光融一鶴一琴堂上風萬物生生和氣
遍仁心發起主人翁

和呈姬路城主拾遺源君元且倭歌末字祝
令嗣叙爵之事

半夜洪鈞一歲新東西千里倍思親緋衣風動江雲
影目送金華山上春

孟春執政岡崎城主源君忠之和儂元日老
懷詩被見之句意優長可以嘉筴因用原
韻拙和二章以備莞具

五夜向明雲母屏鳳門待漏邇言聽曲江波入岡崎
去海燕報春張九齡

梅窓全曙徹銀屏色可視兮香可聽鳧藻成歡叙私
宴龜蓮獻壽祝君齡

辛丑元旦

天錫遐齡一腐儒文程馬席亦吾徒美哉春酒美哉

壽欲寫同庚讌會圖

余七十八歲故云爾杜子美詩
乾坤一腐儒宋史文彥博程大

中司馬且席汝言共七十八文彥博詩曰四人三百
十二歲况是同庚甲午年此會從來誠未有洛中應
作畫圖傳詩曰爲此春酒以介眉壽韓詩外傳曰齊
桓公見畝丘老人曰美哉壽也

和長男士僖元旦韻

聖殿祭儀卿與予祖先教澤荷恩餘新年資始金牛
曆舊院繙看白鹿書

和次男禹玉元旦詩韻

城門待漏拂塵紛萬國衣冠車馬分新歲風光我家
物春天渭樹入江雲

和奉姬路拾遺源君政邦元旦倭歌冠字

尾上茫茫雲萬重江城瑞氣自和雍東西千里莫言
遠一曲清音風入松

奉和肥後拾遺源君元旦詩韻

講武好文心亦間于戈接影史書間熊祥忽入昨霄

夢一枕春風奠泰山去歲有弄璋之慶

和呈丹治尚書元旦韻

陽化熙熙百尺臺兒孫團坐笑顏開黃柑春酒臘餘

味又為梅花傾一盃

和呈刑部少卿源經隆元旦韻

縹帙緗囊置後前武林韶色瑞雲鮮春風吹入文章

手愧我蹉跎白髮年

壬寅元旦

膝上抱孫樂且耽春盤一味欲分甘化風壽我太平

脉花霽含祥入劔南晉書王羲之傳膝上抱弱孫有

能講古制壽我太平脉又曰劔南太平花似桃

和男士僖元旦韻

處處江山韶景俱詩中有畫勝新圖春風先報男祥

慶行見商瞿五丈夫去歲強齡得男子故云爾

和男禹玉元旦韻

油幕風雲於緝禦儒官世世拜朝儀浮山春色我家

物攀得村梅最上枝

和呈刑部少卿經隆源公元旦韻

年光流易遇壬寅萬物生成造化真先識天倫和氣

樂春園桃李封芳辰

奉和桑名羽林源君壬寅元旦韻賀賜鷹之事

海外春風水接天暖烟和氣影新鮮蒼鷹仗志雲千里不問乘黃大叔田

姬路城主拾遺柳原君在播州寄元旦倭歌乃和末字

武林闕闕冠群隊柳拂旌旗花迎佩君家壽色寄風聲高砂松古過百代

和嫡男士僖元旦詩韻

寒去温來天地真陽春一曲答韶鈞東風永解鳳池浪問起徐家三世人

同押述講易之事以祝之

養我滿腔元氣真生生萬物悉和鈞太平民遇太平日讀易梅窓擊壤人

奉和執政岡崎城主水野忠之君雞日詩韻
金城曙色彩霞紅日出海東東又東春入梅花盃酒裏臘前餘味勝新豐

癸卯元日立春

歲律回春玉管音椒醪柑酒互相斟恩風和育躋遐

耆晚節安知白首心借用宋杜衍八十躋遐耆白首一節之事周禮正月為三微之月陽氣生為微以玉為瑄

依例和嫡男士僖韻

世世為儒息有餘莫忘我祖起家初杏壇雲入曲江院花下題名手自書

依例和次男禹玉韻

壇上風雲建節旂墨城硯沼筆鋒交韓公德驥得春意籍湜汗流奴島郊

奉和桑名城主羽林源君元日韻

雲佩霞裾迎肇年森森畫戟影相連桐江分得桑名

海七里灘頭水路鮮

奉和肥後國主拾遺源公元日韻

望鄉臺上屢登臨歲歲春風歸思深奕世重熙門彩大紫霞國裏煉丹心

奉和姬路城主政邦元日倭歌末字

武林迎春安其處封祿有餘撫衆庶西江雪浪通海東映徹暖霽天欲曙

和呈下館城主從四位下丹治君元且詩韻

一夜韶光萬物新烟霞梅柳易為春分明記得昔時事四十年來舊好人

侍醫法眼栗本瑞見叟和余元旦詩且惠奎
章褒賞之過懇意之厚謝而有餘不堪愧
汗乃和兩韻以呈左右匪報也永以為好
也莫以詩見之惟幸

新交傾蓋壓陰何醫苑書林頭已皤同入春風偕老
域今年亦似去年過

和呈刑部少卿源經隆君癸卯元旦詩韻

臘雪消殘忽是春萬昌改觀一時新霞箋烟幅硯冰
解筆下風温如有神

又和元旦立春韻

歲去歲來萬物新五辛盤上祝青春嫩鶯出谷求其
友彩燕飛飛風影親

甲辰元旦

白頭八十一青春默數老聃降誕辰柱下不堪修內
史省身愧比起居人

老子八十一歲而生予祿大內
記借用柱下內史起居之事

依例叨和男祭酒林信充雞日之作

喜汝強齡術業成猶期耳目悉聰明一家餘慶鳴珂
里得意春風意氣平

依例叨和次男禹玉試筆詩

藝苑雲温學力巍文龍彩鳳勢如飛春風分取楚章

句蘭茝濃薰吹入衣

和侍醫法眼栗本瑞見甲辰元日詩韻

夙起醫林浴上池恩風入袂接官儀龍宮秘術傳靈藥春在昆明水滿時

和呈中大夫丹治君元旦詩

雲染衣裳霞滿盃城樓初日覺春回召南化及江南物未問棠花先問梅

奉和執政拾遺水野君元旦韻

韶景無邊處處通金城初日入珠櫳自家春意為公輔指示青松梁棟隆

和呈刑部少卿源經隆元旦詩韻

送將臘白迓青春一夜韶光萬物新細見江梅欺雪色不堪吟取樂芳辰

和姬路城主拾遺源公政邦元旦和歌末字

余老衰殆廢筆硯然舊好難默且聞今春五十歲故詩中寓慶賀之意

殘夜窓明知春及暖靄彩霞入佳竹松風度曲五十絃清陰繁茂影直立

乙巳元旦

規祝龍駒名大宛椒觴獻壽負春暄掛冠門上賜全

祿進亦羨思退亦思

陸機曰龍駒鳳雛漢紀大宛國出善馬杜子美詩胡馬大宛名

陶弘景脫朝服掛冠神武門上而去宋廣平致仕仍賜全祿

次嫡男祭酒元旦韻

壽酒傳盃喜氣揚靈椿雖老桂枝香春風世世一家

教問起燕山有美方

次次男禹玉韻

風流豪氣日相深飛躍知時升又沉會得堯夫安樂

趣梅窓讀易洗春心

和呈桑名城主羽林源衡卿元旦韻奉賀聖

善老健

東風送暖北堂開萱草雪消春意催欲獻龜蓮千歲

壽先斟鳧藻一家盃

鳳岡林先生全集卷之七十七

[Faint bleed-through text from the reverse side of the page]

鳳岡林先生全集卷之七十八

男朝散大夫國子祭酒林信充士僖父 輯

歲旦類聚

七言絕句

丙午元旦

恩化占春動蠢然家風傳業舊青氈凝聳拙目瞞其
腰老大今朝又一年

次嫡男士僖甫雞日韻

歲在敦牂月建寅津津喜氣祝新春杏壇一會吉蠲
迺汝領儒臣我逸民

和次男禹玉雞日韻

辛盤頌罷酌椒盃
夙入金門瑞靄開
萬壽無疆一家
樂東風報喜北山萊

和呈護國寺丙午元旦韻

密法轉輪迎肇年
香茶精飯汲清泉
補陀小白花雲
動分影人間天上仙

丙午元旦和呈老侍醫法眼瑞軒試毫韻

上池餘汎浴斯身
湯藥新嘗幾度春
幸被聖時和氣
育恩風蒙化又風人

和奉執政岡崎城主拾遺源君丙午元會詩

韻

待漏門開城鼓通
旌旗冠佩繞樓權
堯觴餘瀝祝君
後和樂一家醉暖風

丁未元旦

野服防寒真逸家
太平餘化老生涯
殘更睡熟不知
曙臥見椒盤已頌花

裴度致仕野服蕭散陶弘景号
華陽真逸杜詩椒盤已頌花

依例和嫡男士僖元日韻

官祿相傳開笑顏
驥才規祝列鵷班
祖先積善畱餘
慶春在衣冠墻宇間

和次男禹玉元旦韻

新詩吟罷報金聲和樂一家逢孟正風暖眉山群草
木卯辰春色壽樂城卯歲降誕故祝之

奉和桑名城主羽林源君元日韻

官柳門梅未全勾期得韶先逐日新日送歸鴻領春
意羽儀漸漸武林人

奉和忘言齋源公元日詩韻

洪鈞運轉易為春淑氣和風逐日新悟得生生化工
妙根芽萌動本來真

肥後拾遺源君遠示元旦試毫今歲餘閨詩
中及之乃奉和原韻

流行陽化廣攸覃不隔東西與北南鶯語蒼言富詩
料三分春色四其三

戊申元旦

朝來餘睡覺于于閑散從容味道腴未免流風因襲
俗茅門深鎖換桃符

同日叙情

八十五翁逢歲元春風撫育祝家孫滿腔和氣無他
願洪庇餘陰拜主恩

和嫡男快堂元日韻

玉堂傳業表扁顏草木文章春色開八百老彭吾豈

敢雙男同氣武夷山

彭祖二子名武夷故云爾

和次男退省元日韻

雨微雲暖覺微和團坐逢春樂事多似聽齊詔太平
曲花中鶯語武城歌

巳酉元旦

八十六翁頑蠢身陽和扶起又逢春鑑湖一曲分息

澤新歲同齡賀季真

賀知章字季真八十六歲賜鑑湖一曲故云爾

同日思繼室有感

去年偕老祝三元今日孤身望九原椒酒盈樽不能
飲口中餘澤氣猶存

和嫡男祭酒元旦韻

文廟巍然入德門麟爐犧酒氣温温蒲塲桃李成蹊
去問着春風花不言

和次男禹玉元旦韻

霞箋煙幅斐然章詩句清新文字尤嘉瑞長修室家
好鳴飛和樂鳳求凰

奉和菜名城主羽林源君忠雅歲旦韻

有脚陽春來自東九州四海總皆同武江浪入桐江
去雲暖灘頭七里風

歲初賀儀漸畢思繼室不措

鳳閣全集 卷七十八
寂寂閨中愧老鰥幽愁無限寸胸間逢人不敢分明
語空祝年華開笑顏

慈孫信義和余試毫詩因同韻押余身齡共
老不辨事務唯期箕裘勿忘之情

祖考精神使我身起居語默自家春更無一事違前
闕天意應知方寸真

庚戌元旦

黃豫章知四休樂白居易耻百無能一年年去駸駸
老臨彼深淵履薄冰

依例和嫡男士僖元旦韻

訓導寬嚴天性然同居不肯事三遷花前得意馬蹄
疾春及孟郊登第年

依例和次男禹玉元旦韻

城門日暖佩鳴珂裊裊爐香送百和風監爽澄文藻
美陸家迎歲患才多

奉和忘言齋春初詩韻二首

祥靄遶空瑞日紅東方已曙海之東萬年盃底祝堯
壽白獸樽前春酒濃

岡崎和氣又逢春韶色無邊次第新柳外風閑轉青
眼花前雲暖笑紅唇

辛亥元旦

八十八翁形氣殘蓬衡迎歲對椒盤米粳粒粒知齡
 數壽域無疆北鬱單道經曰北爵單人食粳米長生云云國俗以米字之畫數為八十八歲蓋粟字為四十八之數之類乎

和嫡男國子祭酒信克詩韻

春風和氣瑞雲晴鶯奏絃歌繞武城觴瀝頌恩大夫
 列出車進退響彭彭

次男信智有歲初詩依例和其韻

儒林迎歲帶和風世世家聲一畝官壽酒獻酬餘臘
 味春心如醉六經中

今茲辛亥嫡孫信言十一歲初作元旦詩其

志可以嘉莽在昔陳元方十一歲有師孔

子之語偶相然矣因同其韻

一夜陽和度九乾徒毫雲起彩箋鮮元方師事孔夫
 子壇杏傳香念祖先

奉和肥後侯辛亥元旦詩韻祝病痾之早痊

家在西肥身在東官恩奕世武林中陽春德入金剛
 窟靈藥生生帶暖風

奉和衆名羽林衡卿君元朝詩

和氣融融瑞靄披一家報喜萬年卮春波穩有太平

象坐見前灘張水嬉

壬子元旦

五絕並稱虞世南貞觀文化遠相覃息袍風暖老無
事八十九齡百不堪 萬壽全書曰虞世南有五絕文
皇稱之余亦八十九歲舊臘賜
恩衣三領故
詩中云爾

依例和嫡男赤城子元旦韻

韶景入詩殆逼真江山遲日悉清新五枝分種二株
桂彷彿燕山一老椿

依例和次男退省子元旦韻

定省賀齡陪後前夙歌天保指山川中書世世勵家

業吉甫祝期如父年

嫡孫信言有元旦詩規祝之餘次其韻以期

後榮

雲霞交影遠儒帷和樂一家斟壽卮我亦范喬存古
硯後來透逸豫先知

奉和肥後拾遺元旦詩

花言鳥語入毫端詩句溫和堪忘寒奕世精忠抱勳
業何尋金粒呂仙丹

七言律

丁酉元旦試筆

猿歲既過雞歲天東風吹度武江邊早梅郁郁破顏
好嫩柳青青低眼鮮雪泮新鶯一聲轉霞開歸雁數
行連自今日永待來燕讀了牙籤淨几前

星月軒主賦庚子元旦試筆詩以被寄之乃

次其韻

硯沼冰融筆拂氛朝來回首向紅昕千般草茂江陵
景一片風溫湘水雲唯恨梅花無共賞何時椒酒得
同飲陽春一曲響高處点点雪殘如白紛

雲了上人賦元日佳什被示之乃漫和其芳

韻

歲來相遇孟春晨海外雲霞浮又淪松院占閑韶晷
永花陰動興好詩新往時共見無邊景今且何爲兩
處春世事悠悠渾似夢平生豈忘舊交親

一明老衲在勢陽賦辛丑元旦詩乃賡載之

以附風便

多年同遇海東春豈意今居伊水濱日出霧消懷禹
錫波高霞落記堯臣千里烟水音書少一筆暖雲詩
句新牕外梅花風信早數枝將寄舊遊人

祜晴有三元作步其韻躡

春光如畫映江城風景多般欲動情絳日遲遲金碎

色黃鶯恰恰餅焦聲艸根野濶緘紅錦梅葉風温飄
玉巵漸次晷長須努力讀書窓下可揚名

嗣響重晴孟正試穎詩韻

孟陽逢迎樂陶陶數盞芳茶數盞醪二十一年駒隙
急百千萬縷柳條高梅開東閣揚州近雪解西江蜀
浪陶一氣轉鈞青帝力群山輕動似鴻毛

和一明老衲壬寅元朔試穎韻

喚起聲高報淑光暖雲溶曳自舒張茅齋林僻追齊
已梅塢花開類孟嘗千里相思隔溟海四碁遠別歷
星霜春風歲歲換新觀唯有嘉儀率舊章

和伯元元旦韻

新歲相逢歡罔極鳥獸艸木可多識膠牙搢飭白樂
天睡鴨下帷黃魯直筆落明牋自縱橫茶湛碧濤尤
芳馥梅蘭霞杯入新詩有香有味又有色

伯元詩中有梅蘭霞杯之事故余亦云爾

和岸清次元旦韻

癸卯推遷遇甲辰于花于柳稍相親瞥然三百餘旬
過喜見五十六字新肇曆開來陳曆竭蒼龍駕處歲
龍臻黃鶯一轉蒙求句晷永讀書窓外春

和南直試翰韻

東風吹入武藏野濃綠離離生土毛上國回眸暖遊
近中橋卜宅市聲高映霞映日千門柳酌鳥酌花一
盞醪五十六言梅綴字期看珠玉在揮毫

爾中橋者其所居也

聞近頃赴洛陽故云

次林憲英童元日律詩韻

英髻揮筆建寅正暖氣潛催寒氣輕五十六言聯美
玉百千萬軸對長棚精勤幾日勵鷹習令譽他年待
鳳鳴花發春洲泛紅靄尋芳欲問謝宣城

和仲龍元旦韻

五十八言佳句新韶光同樣海東濱昔望花島紅雲

影今祝林家玉桂春庭草千般挺勾乙盃椒一味辨
芳辛和風餘樂足温飽孝志年年養老親

次野竹洞元旦試觚律詩韻以祝家翁致仕

壽域無疆且期令嗣不墜家聲云爾

處處陽和處處天禮耕義耨入書田先知冠佩恩風
遍猶祝箕裘家業傳鶴髮引齡頭上雪騏兒勵志手
中鞭湘孫渭子檀欒立祖竹春回樂老年

和奉江君信濃太守試韻

五馬揚揚進有時 營門日暖整威儀官衣添色風
飄袂御瀝分 恩霞落巖雲谷烟林呈壯觀天橋韶

景寄詩思陽春歌入嫩鶯囀一曲琴音知者知

嗣響宮津城主江信牧戊午元旦詩

新年語句煙霞麗春誦琅琅欲復圭雲落楮州揮白
兔日昇桑海叫金雞營前風靜桺條動堂背雪融
萱草齊喚起聲中窓漸曙無心啼鳥問昌黎

和呈丹陰宮津城主江君已未元旦試觚韻

回望東海晨輟出春早天橋一道煙霞洙緋衣繞高
閣花携香氣上詞筵白砂風度松聲遠丹嶺雲溫竹
影娟嶼子靈龜獻君壽萬年韶色自依然

和呈丹州宮津城主江君尚長庚申元旦試

毫高韻

曈曈初日出松扃禽語欣欣草色青暘谷風高動鄒
律瑞雲影暖侍虞庭墨江祝壽曳龜尾丹穴覽輝飄
鳳翎應是天機製春服縫裁霞縞與烟經

壬戌元旦書懷

昔陪杖屨遊芳苑今覓音容遶故林椿砌春空失靈
壽梅窓曉起倦清吟世交自逐暖雲薄舊憶唯逢新
歲深強向傍人說韶景花言禽語不關心

元日立春金城對雪

東郊雪學雲翹舞萬國衣冠賀月正綵燕隨風飛失

色絲雞添影凍無聲銀旛表位銀城大玉箔篩光玉
殿明白獸樽前皆白盡直言誰又抱丹誠

源孚軒主示乙丑元日立春詩乃和奉清韻
幽谷律高答嫩鶯葭灰竹管覺陽生絲鵝蠟燕共迎
歲紅甲緝芽各報榮三素雲光開瑞影萬年壽色泛
霞釀梅花門戶宜春字枝句葉章點點明

和謙受園主石谷氏元日立春韻

送歲迎年遇長春熙熙陽化太平民鶴雲風動瑞光
現鶯畧窓温喜氣新藍尾揚盃介眉壽挑湯設浴養
精神爺孃兒女檀欒坐和樂一家知有倫

中大夫拾遺補闕厩橋城主源公有歲初一

律賡載高韻同叙 官儀

金城初日賀新年鵠侶鷓班相後前風引爐香攜滿
袖雲迎劍佩坐鋪氈 御觴霞泛分餘瀝和氣春温
指上天禮樂文章太平象唐虞德化悉皆然

朝散大夫遠州刺史南君浩然示戊辰元旦

詩詩中飽述 朝儀自祝榮選方寸之誠
溢於毫端乃賡載之乃規祝之

日照金城和氣通台階賜宴樂融融千官冠佩彩紋
美一穗爐烟寶薰濃黃酒無量分玉液錦袍有寵抱

鳳閣全錄 卷七十八 十三

丹忠歸來吟取太平象花發文林館上風

前橋拾遺河牧源君示癸酉元旦一律乃和

奉其韻舊臘君講大學余講中庸故詩中

云爾

冉冉流光來去頰椒觴先頌歲華新工夫允擇時中

理知格推窮天下仁床有詩書供燕樂身無疾病得

龍伸和風願逐台星影講讀長陪玉座春

癸酉元旦小笠原備收自画周程肖像掛之

床頭尊崇德風作一律請拙和乃倣其韻

遲日融和景象奇讀書樓下得斯時半床新画雲生

筆一律佳篇霞入卮窓草烟温春意動川花風靜水

光移清濂青洛知其樂况遇陶唐庶績熙

奉和肥前侯拾遺補闕丙子元旦詩韻舊臘

有命繼父之封勤父之職且并拾遺補

闕併言之以賀之祝之

君寵親恩逢肇年繼封進級一家全曦輪始出千門

曙漏箭頰驚五夜眠龜紐賜章尤顯達鷓班設座各

周旋中和位育太平象元氣流亨不倚偏

和肥前侯拾遺藤伯固元旦韻

幸遇昇平無事展化教流行作堯民官衣雲暖千乘

鳳閣全錄 卷七十八 十三

鳳岡全集 卷七十八
國壽酒霞浮萬歲春幽谷遷喬鶯暫止書齋致德鳳
來臻恩風世濟大家美識得譽聲日日新

戊寅之歲肥前侯拾遺藤君伯固繼封之後
始逢元會官儀之式私家之禮悉依舊法
規祝之餘賦毫之詩被示之乃攀高韻以
述慶賀之意

貽厥孫謀福履加椒樽報喜酌紅霞先吟松壽引英
筭猶待竹胎抽雅芽巨祿高門羨 恩日外藩鎖狄
世勲家暖雲分影九苞色鳳入齋中致德華

依例和遠州刺史南君浩然歲初試筆詩韻

二十餘年共相識韶光和氣暖風天世間變態烟雲
改靜裏清吟日月旋稚竹託根南戶畔老萱穿土北
堂前海棠花下行應好舊約同遊連几筵

小笠原備牧兼山公在采邑遠寄歲旦詩且
告靈夢之事乃次其韻以祝之

士林穩坐祝年初春色無邊仰碧虛乾道元亨靈夢
覺宦途榮耀老身舒和風報喜一家事瑞靄成文百
幅書心足何論煙水隔異鄉却是似同居

肥前侯中大夫拾遺藤君伯固被示巳卯元
旦試筆乃依嘉例和奉高韻

鳳閣全錄 卷七十一 十四

政教懷士青陽日一箇誠心除百邪林苑知時新歲
化門闌聚美舊勲家風光錯雜現天象雲氣文明觀
國華欲結客兒春草夢池塘物色問元嘉

奉和肥前侯藤伯固新居試筆韻

四海乾元一氣亨新居迎歲結芳盟彤弓盧矢交綳
帙紫綬錦袍侍 玉城東謁長蒙 大君德西鎮宜
利丈人貞椒觴遙為老親祝千里春風達孝情

勢州龜山雅士翠竹主人大石氏寄元旦詩

憑介請和余未得面接然聞所傳說漫次
清韻以答厚意

和氣融融樂此辰一盃壽酒一家親酉陽山遠繙千
卷龜阜城高祝萬春梅蘂分光南北路竹林湧翠水
雲濱祖先貽美八王子人去年來感慨新

中大夫拾遺藤綱茂公寄歲初試筆乃和清

韻記世勲之美且祝有弄璋之慶云

淑氣不遇風雪遞五旬迎歲報陽華才名傳美菜洲
外祿位貽謀藩鎮家官佩交光籠瑞霽仙觴祝壽服
朝霞鳴雛日下春陰暖猶待和音雄鶴加

肥前侯藤君伯固遠被示癸未歲且試毫詩

依例表慶賀而和奉玉韻

鳳閣全錄 卷七十一 十五

窓曙海西霞外曙知時萬物悉生生冰融鳳尾彩毫
健風暖鸞牋錦字明紫電清霜鎮異域祥雲瑞日望
江城本根培養門前柳猶待春陰子葉榮

肥前侯拾遺藤公伯固甲申之歲述職東武

祝新正作賀詩乃和奉高韻

致德齋中曙色開送寒迎暖斗杓回鶴臯先有雌雛
和鸞鏡猶期雄鳳來馳思西垣千里艸託心東閣一
枝梅新年更覺新知發筆下春風不染埃

赤穗城主伊州刺史江君直卿管神社佛欄

之事預憲臺聽訟之列有年於茲甲申元

且賦試筆詩被示之乃和其韻

家家迎歲戶門松添得庭梅花影重寺院社宮神佛
欄東西南北後前峯 官恩露滴青油幕鄉思雲遙
赤穗壙廳畔茸棠傳惠化春風問起召公訟

肥前侯拾遺藤君伯固遠寄元旦詩和高韻

書樓迎歲獨相憐思可覃兮精可研臘味霞温斟舜
酒 官恩海濶仰堯天主封傳業門楣大關戍防邊
畫戟連豫議熊羆男子兆春窓夢覺祝新年

和呈從四位下下館城主丹治直重試筆詩

韻

鳳岡全集 卷七十八 十一
近侍抱誠無夙夜青油雲幕幾年春丹墀分派中山
姓粉碎固基下館闈官佩風温出群類壽觴覆泛及
家人韶光一樣物皆改唯有 君恩依舊新

和西城麾下執事江豆牧試毫詩韻

喜君新進抱良圖愧我老齡才亦愚風竹交聲調郢
曲檐梅索笑學吳妹鼎邊百句打聯樂麾下群僚折
簡呼飯顛山頭温飽足春來分惠養形軀

庚寅元日詣 先大君新廟謹賦一律以抒

寸衷

心事無涯已忘言一年年老遇三元昔裁祝頌期千

歲今抱哀情望九原沼沚菜唯供薄奠廟庭梅未返
幽魂世間草木悉新樣多是前時雨露恩

奉和致仕肥後羽林源公元旦律詩韻

貧富雖殊情豈異約花幾歲小車雷紅塵紫陌隔佳
境山月江風入似樓封爵克於賢子讓芳聲長使後
昆流西藩曾作金天柱歸去來兮綠野遊


奉和肥後侯試毫詩韻

夙賀新正出華筓金城粉堞拂春雲衣冠身曳珊瑚
佩鐘鼓聲催赫赫昕彤管毫端現強壯王爐香篆吐
濃薰靜觀松竹門前色內抱精誠外發文

鳳岡全集 卷之七十八

和呈法眼瑞見史試毫韻

昔在紀陽今武城同逢斗柄建寅正青囊傳術良方
熟丹井煉霞仙竈明東面柳垂營幕影南枝梅寄故
園情金剛窟裏移靈藥紅甲緝芽春圃平



鳳岡林先生全集卷之七十八

